



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

Articulus III. Quibus modis acquiratur Jus Patronatus?

---

[urn:nbn:de:hbz:466:1-73045](#)

704 Tract. In Lib. III. Decretal. Quæstio XXXVIII.

mixtum. Et ex hoc infert, beneficium Juris Patronatus *mixti*, non cadere sub reservationem; & semestre concessum Ecclesiasticis ad præsentandum, non competere Patrono Laico. *Note.* præterea, juxta Vivianum de Jure Patron. l. 1. c. 3. à n. 8. Jus Patronatus esse Ecclesiasticum, quando Ecclesiasticus præsentet, *nominatum à Laico*; & *Laicum*, quando Ecclesiasticus præsentat *de consensu Laici*; non autem, si rantium de consilio.

ARTICULUS II.

*An jus Patronatus sit Spirituale, vel temporale?*

3060 **Q**uidam dixerunt, esse quid merè temporale i. quia à Laicis possideatur, c. *consultationibus* h. t. 2. quia præscriptioni subjacet c. *querelam*, de Elect. cùm alioquin spiritualia præscribi non possiat, nec possideri, c. *causam, qua*, de præscript. 3. quia hæreditate transmittitur c. 1. & c. *cum seculum*, de Jure Patron. cùm tamen nulla successionis ratio sit in spiritualibus c. 1. & 2. de concess. præbenda: rectius tamen dicitur, esse aliquid *in se*, ac *formaliter temporale, annexivè autem spirituale*; Sic Vivianus de jure Patron. L. 1. c. 2. 4. ubi etiam dicit, esse *jus gratiosum*, & communiter regulari, prout alia jura spiritualia, per c. *quanto* 3. de Judic. ubi eloquio Summi Pontificis habetur, jus Patronatus adeo annexum esse spiritualibus, ut super eo non nisi à *Judice Ecclesiastico cognoscit posse*, cui manifestè suffragatur, quod jus Patronatus directè emi, vel vendi non possit absque labo, ac vitio Simoniae, ut dicimus infra; at, si esset purè temporale, id non contingere; quiasic emeretur ac venderetur solum temporale. Accedit, quod directe ordinetur ad institutionem Clerici, tanquam ejus causa, ut dicitur c. *Nobis* h. t. institutio autem est actus jurisdictionis spiritualis, 2. quod sit initium, & quali inchoatio negotii. Spiritualis, intelligendo saltem de initio Ordinis, ut notat Mancinus cit. c. 3. n. 21. Hinc ad rationem simoniae pertinet, quod super eo fuerit civili aliquà pactione contractum, c. *super eo c. præterea, h. t. & c. veniens*, de Testibus.

3061 Ad rationes in contrarium, & quidem ad 1. n. non rectè argui *temporatatem rei ex eo*, quod à Laico possidea-

tur ex mero Ecclesia gratia, & *indulto beneficio*, at sic se habet ius Patronatus à Laico possidum, ut patebit ex seqq. ergo. Ad 2. n. negando, quod jus Patronatus subjaceat præscriptioni *Laicorum*. Laicus enim non potest præscribere ius Patronatus *contra Ecclesiam liberam, scilicet Ecclesiasticus*; Iste enim hujus juris *per se* capax est, ille solum per accidens, *ex Ecclesia indulto*: Sic Vivianus cit. l. 1. c. 3. n. 24. neque hoc dicitur in c. *querelam*, de Elect. cùm ibi causus propositus inter litigantes, non fuerit inter *Laicum*, & *Ecclesiasticum*; sed inter *Clericos Ecclesie S. Agathæ, & Presbyterum Ecclesie S. Salvatoris*; qui verbum habeat de jure Patronatus *præscripto* à populo Ecclesie S. Salvatoris; quamvis Presbyter electionem suam legitimè probaverit exinde, quod electus sit à populo illius Ecclesie, qui tunc erat in possessione eligendi Presbyterum ad illam Ecclesiam vacantem; potest autem ius possessionis alicui competere, *sine omni præscriptione*. Neganda etiam venit illa propositio, *quod præscriptioni subjacet, merè temporale est*; nam ius eligendi, ius dicimarum Ecclesiasticarum, ius ferendi censuras, exercendi quosdam actus jurisdictionis Epicopaloris, præscribi potest ab Ecclesia, vel Prælato Ecclesiastico contra aliam Ecclesiam, Monasterium, &c. quin propterea tale ius temporale sit. Ad 3. n. similiter non rectè argui, rem aliquam, vel ius esse merè temporale ex eo, *quod de gratia & mero Ecclesie beneficio in alium transferri possit*; sed quod jure suo, fundato in titulo merè temporali, prout constabit ex seqq.

ARTICULUS III.

*Quibus modis acquiratur ius Patronatus?*

3062 **R**Esp. à Doctoribus communiter doceri, quod tribus modis: *fundatione, extirpatione, & dotatione Ecclesie*; sic Glöss. in c. *pie menis*. 16. q. 7. Azor p. 2. l. 6. c. 19. q. 4. & alii passim; quod verum est, licet non expresseris te fundare, extiriare illo animo c. *nobis* 25. de Jure Patron. quia ius illud ab ipso jure Ecclesiastico conceditur, nisi ipse renunties; excipe tamen Ecclesiam regularem, in quam non acquiritur *Jus Patronatus sola fundatione, extru-*

extructio, vel dotatione, nisi etiam accedit consensus Papæ in ipso limine fundationis c. nobis. 25. de Jure Patron. junct. Gl. V. de tua jurisdictione.

3063 Textus jam saepius citatus, c. Nobis, sic habet: Preterea quæsiyisti à nobis, an aliquis efficiatur sola constructione Patronus, vel ad electionem Plebani sit cum Clericis admittendus, seu ab ipsa repellendus omnino, tametsi de longa consuetudine allegaverit, se electioni interesse debere? Nos inquisitioni tuæ tale damus responsum: quod, si quis Ecclesiæ cum assensu diæcesani construxit, ex eo jus Patronatus acquirit. Coeterum in Convenuali Ecclesia non electioni Prelati facienda, sed jam facta honestius Patroni possulatur assensus, nisi alter de sua jurisdictione obtineat, ut partes suas interponere debeat electione tractande: Secus tamen est in Capella, in qua unus Presbyter à Patrono eligitur, &c., pro institutio ne habenda, loci Episcopo presentatur. Pro fundatione quoque Ecclesiæ honor processionis fundatori servatur: & si ad inopiam vergat, ab Ecclesia illi modeste succurritur, sicut in factis est Canonibus institutum.

3064 Ex hoc probata manet responsio, quod ex constructione Ecclesiæ, facta de assensu Episcopi, acquiratur jus Patronatus, prout ex textu communiter deducunt Doctores cum Azor p. 2. l. 6. c. 19. q. 7. Viviano in praxi juris Patronat. p. 1. l. 1. n. 24. Garcia de benefic. p. 5. c. 9. 4 n. 62. & aliis, ut constat ex ipso quoque textu ibi: si quis Ecclesiæ cum assensu diæcesani construxit, ex eo jus patronatus acquirit.

3065 Circa presentem materiam not. 1. nos hic non agere de jure Patronatus, in quantum significat jus Advocatorum, qui patrocinium causarum forensium, quæ in judicio agitantur, suscipiunt, de quibus fit mentio L. Rem. 14. §. Patroni C. de Judic. & egimus l. 1. titulo 37. nec eriam de illo, prout significat jus, quod competit domino manumittenti servum suum pro beneficio data libertatis, quo etiam à manumisso (qui tunc *Liberus* dicitur) licet exigit obedientiam, & operas sibi præstandas, quod introductum est jure civili. Accipitur ergo hic prout explicit jus, seu potestatem exercendi quos-

Tom. III.

dam actus, concessam ab Ecclesia his, qui aliquam Ecclesiam, vel beneficium Ecclesiasticum construxerunt, fundarunt, vel dotarunt, prout exponemus in seqq.

Porrò duo sunt actus principales, in 3066 ordine ad quos ea potestas ab Ecclesia conceditur; primus est, *actus nominandi*, vel *presentandi Clericum idoneum*, pro beneficio vacante 2. *actus defendendi Ecclesiam* contra violentas aliorum aggressiones. Potestas ad 1. actum, propriè dicitur *jus Patronatus*, & Potestas ad 2. *jus Advocaciae*, & quoniā antiquitus potestas ad utrumque communiter penes unum, idemque subjectum erat, ideo etiam utrumque *jus nomine Juris Patronatus* veniebat; unde factum est, quod sub eodem titulo, *de Jure Patronatus* de utroque agatur sine speciali titulo *Juris Advocaciae*; quamvis hodie subjecto separantur, ut diximus n. 3055. ubi tamen not. quando in c. Querelam, de Elec. in 6. dicitur *electionem & presentationem* in jure *equiparari*, intelligi si fiat presentatio à Clerico (nam tunc habet vim electionis) non autem, si à Laico c. Cum autem, c. Nobis, &c. penult. de Jure Patron.

Quoniā autem dicitur acquiri Jus 3067 Patronatus ex eo, quod quis cum assensu diæcesani construxerit Ecclesiam, not. 2. ut illis tribus modis acquiratur Jus Patronatus, requiri consensum Ordinarii, alias non acquirendum c. nobis h. s. ibi: *Cum assensu diæcesani*, sufficit tamen, si ex post facto interveniat; Barbosa p. 3. de potest. Episcopi alleg. 76. n. 21. & præsumitur intervenisse, ex diuturnitate temporis, fundatione Capellæ cum insignibus & armis, sic Barbosa n. 22. Intelligitur autem hic nomine *Ordinarii*, seu *Diæcesani* omnis, qui habet jurisdictionem quasi Episcopalem; hinc Abbas, potens dare facultatem ædificandi Ecclesiam, potest etiam dare consensum, ut exinde nascatur Jus Patronatus; Castropalaus cit. n. 9. Vicarius autem generalis, sicut non habet jus, autoritatem præstundi ædificandæ Ecclesiæ vi *Vicariatus*, ita nee servitatem Ecclesiæ fundatis imponendi per consentum, ut fundator fiat Patronus, secus, Capitulum sede vacante, sic Castropalaus cit. n. 9.

Not. 3. Illam 1. Ecclesiam fundare, 3068 dici, qui dat fundum, vel solum terræ, in quo Ecclesia construitur, ut colligitur

Uuuu

ex c.

706 Tract. In Lib. III. Decretal. Quæst. XXXVIII.

ex c. *Abbatem.* 18. q. 2. c. *Nobis.* 25. b. t. si autem fundus omnino pereat, vel etiam dos, Jus Patronatus fundatione, vel dotationem natum, etiam perit, & si dos, etiam destruet Ecclesiæ, maneat, dotori manet Jus Patronatus ex dotatione, licet is, qui noviter construit, etiam acquirat Jus Patronatus ex constructione. *Construere* dicitur, qui Ecclesiæ ædificat suis propriis sumptibus. c. *nobis.* cit. ibi; si quis Ecclesiæ cum Episcopi consensu construxit, ex eo Jus Patronatus acquirit. Idem est, si quis Ecclesiæ dirutam, vel defractam, reædificet; est enim quasi eam à principio ædificaret; sic Gl. in c. 3. de Jure Patron. ut observat Paulus Berti in praxi criminali Regularium; seu tom. 4. qq. Regul. Tit. 4. de Visit. c. 15. n. 66.

3069 Not. 4. quod ex fundatione, vel constructione (maxime si perfecta non sit) non prius jus Patronatus acquiratur, nisi subsequatur dotatio; quia sine hac non est beneficium Ecclesiasticum, nec Ministros habere potest. Dicitur autem *dator*, qui sufficietes annuos reditus assignat c. *Filiis* 16. q. 7. posita verò dotatione, fundans, construens, & dotans, Patroni sunt, sic Azor p. 2. l. 6. c. 19. q. 6. dixi, *sufficietes*; secus enim non dotator, sed benefactor solum erit.

3070 Not. 5. si unus est, qui fundat, construct, & dotat, eum habere jus Patronatus triplici titulo, si autem aliis fundat, aliis construct, aliis dotat, omnes simul acquirere jus Patronatus in solidum; ex cit. c. *filiis* ibi: qui construxit, vel dator, si autem plures concurrant ad dotem, esto unus plus, alter minus det, æqualiter habere jus Patronatus, quia jus Patronatus est individuum, ex c. 1. h. t. *Nobis* vñsum est, quod Ecclesia inter heredes Patroni dividì non debeat; hinc, si non concordent, Episcopus præcipere debet, ut ibi Missæ non celebrentur, donec ad concordiam redeant, & Ecclesia Canonice sacerdotem habeat, qui liberè suum ministerium valeat exercere, ita textus c. 1.

3071 Not. 6. ex Castropala cit. n. 5, quod Episcopus in Ecclesia ædificanda non debet consentire, quin prius ædificatorem obliger per publicum instrumentum, ad dotandum c. *Nemo* 9. de Consecr. dist. 1. ibi; *nemo* Ecclesiæ ædificet, antequam

Episcopus civitatis veniat, & ibidem crucem figat, publicè atrium designet, & ante præfinit, qui adificare vult, qua ad luminaria, & ad custodiā, & ad stipendia custodum sufficient, & ostensā donatione, sic domum ædificet, & postquam consecrata fuerit, atrium ejusdem Ecclesiæ sanctâ aquâ conspergat: & c. *sicut*, de consecrat. Ecclesiæ: ubi Honorius III. scribens ad Reginam Ungariæ, sic loquitur: cum, sicut ex relatione Capituli Oradien. nobis innotuit, eorum feceris Ecclesiæ consecrati; Cum non sit Ecclesia, nisi de dote prævisum ei fuerit, consecranda: eò liberalius ad dotandum predictam Ecclesiæ aperire manus munificentie tua debes, quoad hoc fortius, tanquam ex debito, jam teneris.

Ex hoc habetur, quod, si Ecclesia, absque dote, ædificata sit, consecrari non debet; sic Gloss. in dict. c. *sicut*, & ad hanc dotem teneri ædificatorem eo ipso, quod Ecclesiæ ædificaverit; sin minus, ejus heredes, & ad hoc compelli posse ab Episcopo; sic Barbosap. 3. de potest. Episcopi, allegat. 70. n. 4. & 29. Azor p. 2. l. 9. c. 3. q. 7. Episcopum verò, si permiserit Ecclesiæ indotatam fundari, construi, & consecrari, compelli ad eam dotandam, juxta Gloss. in dict. c. *Cum sicut*. intellige in eorum defectu.

Not. 7. Probabilius esse, Jus Patronatus etiam illi acquiri, qui Ecclesiæ dotat, etiamsi, prius indotata, sit consecrata; sic Castropala cit. n. 7. Pirhing cit. n. 10. Et quamvis Jus Patronatus sit quædam servitus, est tamen servitus Ecclesiastica, quæ bene potest rebus sacris imponi cum consensu Ordinatuum: in quæstione autem, an etiam ex augmento dois insufficientis nascatur Jus Patronatus? affimat Azor cit. c. 19. negat Pirhing n. 11. s. not. 8. probabilior videtur affirmativa ex dict. 3070. quia si plurimum collatione dos sufficiens constituitur, omnes in solidum fiunt Patroni, sed juxta dicta n. cit.

Not. 8. Quamvis Glossa in c. *pia mentis*, arbitretur, Jus Patronatus duntaxat ante Ecclesiæ consecrationem acquiri posse; contrarium tamen esse probabilius, per Layman lib. 4. rr. 2. c. 13. n. 3. & constat ex priori numero. Hinc (per eundem n. 2.) si intra eandem Parochiam ob habitacionem distantiam, cum Authoritate Episcopi construa-

construatur alia Ecclesia minor, quæ majori, tanquam Matrici, subjecta sit, non solum is, qui Ecclesiam novam construit, aut dotavit, sed etiam Rector Ecclesiae majoris officii, Patronus fit minoris Ecclesiae, seu filialis, si etiam Ecclesia matrix minori suos proventus, quos habuit, reliquit.

<sup>3074</sup> Not. 9. Jus Patronatus, etiam secluso titulo triplici, de quo haec tenus, acquiri posse ex privilegio per Papam concessio, prout colligitur ex c. *Qui res 2. de Reb. Eccles. alienand.* ubi id prohibetur fieri à Principibus Laicis. Nam Ecclesiae imponere servitutem (ut loquitur *Trident. Sess. 25. de Reform. c. 9.*) propriè pertinet ad Pastorem universalem, cui princeps dispositio circa Ecclesias competit; reliquis, juxta concessam facultatem.

Quia tamen per *Concil. Trident. Sess. 25. de Reform. 9.* ejusmodi privilegium sublatum est, censem aliqui, si Pontifex rursum alicui concederet, addendam esse clausulam cum derogatione expressa hujus Decreti Conciliaris. Sed hoc necessarium non est, ut dixi *ib. 1. tit. 2. de constitut.* Cū in omnibus Décretis, *salvam semper esse Sedis Apostolice Authoritatem*, dicat ipsum Concilium *Sess. 25. c. 21.* ubi Barbo-sa n. 1. cum Gonzalez ad 8. *Regul. Cancelaria Gloss. 6. n. 120.* cum multis aliis tradit, *pro derogatione Decretorum hujus Concilii sufficere clausulam generalem* (non obstantibus constitutionibus Apostolicis) plus affirmat Vivianus *I. 1. c. 8. n. 24.* dicens: *Jus Patronatus ex privilegio Episcopi acquiri posse ab Ecclesiastico; non autem à Laico.* Ex hoc:

<sup>3075</sup> Not. 10. Jus Patronatus Ecclesiae non liberæ, & quæ alias habuit Patronos ab Ecclesiasticis posse acquiri legitimam præscriptione, per tempus immemoriale; vel saltem quadraginta annos, sine titulo, ut not. Castropalaus cit. p. 2. à n. 12. si autem constet, *Ecclesiam esse liberam*, præscriptionem non currere, ita Zoëlius de jure Patron 8. §. Et hac. Laicus autem non potest præscribere jus Patronatus contra Ecclesiam liberam; Ecclesiasticus enim hujus juris per se capax est; ille solum ex Ecclesiae indulto; Vivianus cit. Laicus enim incapax est, sine speciali Ecclesiae indulto, ut jus etiam annexivè sit. Tom. III.

rituale possideat, præscriptio autem sine possessione non procedit.

Not. 11. quod si quis in alieno fundo Ecclesiam, aut invito domino, jus Patronatus non acquiratur domino fundi, sed conductori. Ille tamen, Ecclesiam sic ædificatam, antequam consecrata sit, Conductore inscio, vel invito, propria Authoritate destruere potest. c. 1. & 2. de novi operis nuntiat. Pirhing de Jure Patron. 11. n. 13. Nec obstat, omne, quod in ædificatur, solo cedere, juxta L. adeo 7. §. cùm in suo ff. de acquir. rer. domin. Nam in hoc casu particulari lex illa, ob Religionis favorem locum non habet; sic Canisius in c. quoniam 3. b. t. n. 4.

Not. 12. Similiter dominum feudi possit etiam invito Vasallo, in fundo feudali Ecclesiam construere, cùm eo etiam invito alienare possit; sed eo casu æstimationem fundi præstandam esse Vasallo, vel aliud feendum æquivalens, quod non permisum est Vasallo, c. unic. l. 2. feud. tit. 9. & c. unic. §. habitu tit. 55.

Not. 13. si Patrochus, vel alius Clericus ex fructibus sui beneficii Ecclesiam, vel Capellam ædificet, acquirere quidem in illa Jus Patronatus ad dies vita; Sed post mortem ejus pertinere ad Ecclesiam, consequenter ad eius successorem in illa, si Collegiata non sit; si autem Collegiata sit, ad Collegium c. relatum 12. de Testam.

#### ARTICULUS IV.

Quibus competere possit Jus Patronatus?

A Nte resolut. not. ad questionem, an fundanti, constructi, vel dotanti Ecclesiam, ex debito competat jus Patronatus, prout debitum, excludit concessionem merè beneficium, & gratiosam responderi negative, ut constat ex c. Quoniam 3. b. t. ibi: *in qua eos Ecclesia hucusque sustinuit.* Nam Laici non sunt capaces juris spiritualis, nisi ex concessione Ecclesiae. c. Tua 25. de decimis ibi: *cùm Laicus nulla sit de spiritualibus concedendi, vel disponendi facultas, imperialis concessio, quantumcunque generaliter sit, neminem potest à solutione decimarum eximere, quæ divina constitutione debentur;* ergo dum illud